

Zuluyekalo san 2011

San 39nan - Boko 474nan

Songo = Dōrōmē 35

KIBARU

Kunnafonisében bota kalo o kalo - BP : 24 - Téléphone : 20.21.21.04 Kibaru bugufiyé Bosola Bamako

«AMAP» ham
y'a kanubaaw
wasali ye

n° 8

Silamew ka lajeba walasa bén ka ke sunkalo ni seliw don w kan

Mali kono, silamew ka nisondiyadonbaw bē dōgoda ka bila don minnu kan, olu sirilen bē kalo yeli lajé na. Geleya dun b'o waleya in na, sabula jamana ka bon, yorow fana cogoyaw te kelen ye kabanogokow ani gongonkow la. Fan éaman na, mogow bē kalo kura yeli kunnafo di ni u ka laadalako dōw ye.

O de la k'a damine nansaratile kono na fo ka na se yéremahoronya soroli waati ma, silamew ka nisondiyadonbaw tora ka fōnogon k'o, k'a sababu ke kalo kura kolosidoune ye kabakolo la. Yorow dōw la ni kalo kura jora, mogow bē don dugukono ka wele-weleda ke. Dōw bē marifaw ci. Nin bētun bē kalo kura joli kofo fōlo an ka sigidaw la.

Nka bi, jamana kono an mara minisiri ye sariya ta, walasa silamew ka nisondiyadonbaw ka se ka bén don kelenw ma, ani min b'a to bén bē sabati silamekuluw ni nōgon ce jamana kono. Sariya in nimoré ye 1016 ye. A tara san 2000 zuwéenkalo tile 19. A ye kaloninijekuluba do sigi jamana togola, k'o bolofaraw sigi Mali marayoré kelenna bētun la. Ni kalo yera, a kunnafo bē di jamanadenw ma arajo ni telewison fe. O waleya in daminenen bē san tan bō bi; nka a kelen te wasako ye fōlo, sabula silamew ka seliw b'a la ka fo nōgon k'o halibi. Tile kelen bē ka donsilamekuluw ni nōgon ce. Dōw yére bē tile fila fo saba bo. Dōw y'a jira ko mogó minnu tun bē doolojatew bō ko ka kaloko to olu bolo, dōw fana ko kalo yeli nēkise yére la ko k'o bō kaloko la.

walasa bén bē se ka ke hakilila kelen kan, Mali diiréjémogow ye lajeba damine Bamako lajekésoba la nténendenzuluyekalo tile 4 san 2011. A iajé dayéleli némogoya tun bē jamana kono an mara minisiri Zenerali Kafuguna Koné bolo. Lakana an basigi sabatili, minisiri Sajo Gasama tun bē kéné kan ka fara kunnafo ni góferenaman ka kumalasela Sidiki Nfa Konate kan.

Mali silamediine némogó Mahamudu Diko, silametón némogow, alimamiw, wajulikkélawani kintigiw bētun welelen bē lajeba in kéné kan. Mali marayoré 8 bē góferenéri ka fara Bamako faaba ta kan, perefew an minisiriso wérew ka cidenw ma to k'o; méri caman fana yera kéné kan.



Silametón némogow, alimamiw, wajulikkélawani kintigiw tun bē lajeba in kéné kan

Kaloyeko bénkanw Mali jamana kono: Silamew ka jekuluba anjamana faamaw ye tilesabalaje ke kaloyeko kan walasa sunkalo ani silamew ka seliw kédonw na, bénbaliya kana na, min bē na ni fara-farali ye diine na jamana kono. Mogo 237 tun bē laje in kéné kan. Laje in daminena

zuluyekalo tile 4, k'a kuncé a tile 6 san 2011Bamako yan.

Bén kéra a kan ko silamediine kono, jatemineb bē ke farafinkalo de kan. Kalo jora walima a ma jo, o de jate bē miné. Æ y'a ye walima nē m'a ye. Mansinmafén wére si tē ta k'a laje ni nēkise fila dōron tē.

"COB" (Sobe) ye kupudimali dako 51nan ta

Sibiridon, zuluyekalo tile 23, Sobe ni Sitai Malien ye nōgon soro kupudimali, ntolatan laban na. A kéra nēnajéba ye min némogoya tun bē jamana kintigii Amadu Tumani Ture bolo. Laben bētun lajelen sabatira walasa ka ntolatan in sankoré, k'a jira ko jamana kúpu don. Oranzi Mali ani ntolatan Federason, ka fara Farikolojénajé Minisiriso kan, olu ye nēnajé suguya caman sigi sen kan ntolatanba in senkoro. Foliw kéra, ladiyalifénw dira, komandow filila sanf, u n'u ka para jíginna ni ntola ye. O bētun ye jama lajénajé sanni ntolatan yére ka damine.

Ntolatan daminena ni jamana kintigii ka Tanniye. Okofé jalatigébagé minnu nana ka bō Ekipani, olu ye file fijé, a daminena.

Ntolatan fila bētun ni dalen bē kúpu in kan. Sobe tun b'a fe ka tako 3nan kéné, Sitadi Malien tun b'a fe



Jamana kintigii Amadu Tumani Ture bē ka kúpu don «Sobe» ntolatannaw némogó bolo.

ka nñaya fila soro nñan ka ke sanpinón ye, ka tila ka kupudimali ta. Ntola tancogo nñana kosebé. File fana

fiyecogo,néna. NKA ntolatanna minnu ka cesiri bonyara, o kéra SOBE ye. Sitadi ma se k'a ka n t o l a t a n walawanwan a sago la. A tun bē i n 'a fōu tun kirinnen don. Nka o n'a ta bē, u y'u se k. Ntolatan labanna 2 ni 1 na Sobe kanu na. SOBE ka kuruw donna sanga 6nan n a F a t o m a Sangare fe, ka filanan don moçobó kono na Kewini Meliwi fe, o ye liberiyaka ye. Sitadi Malien ka kuru 1 donna Solomani Danbele fe sanga 88nan na. Nin kéra Sobe ka kupudimali tako 3nan ye Sitadi Malien, ale delila k'a ta siye 17. Joliba ta ye siye 18 ye. Ereyali 10; Sigi 1.

Mahamadu Konta

KONKO de la 3nan ta

ne fofot

fe, ka bo da kelen fe, ka ben don folet ninnu kan.

Malisilamew ka jekuluba nemogoba, Mahamadu Diko, o y'a ninj lajekelaw

anijamana nemogowfe, benkan ninnu kunnafoniw ka jense, k'u lase jamanaden bee ma. An karamogo Serifu Usumani Madani Hayidara min ye nemogó dankan ye, ale y'a ninj silamew fe, uk'u tege di nogon ma, ka

son nogon ye Alako la.

Zenerali Kafuguna Kone, ale min ye jamana konko ani mara Minisiri ye, ale kumana fanga togo la, k'a jira ko bee ka benkan ninnu labato silameya sinsinni kama ani ben ni

lafiya kama jamana kono. A y'a jira ko fanga na a jo a joyoro la, ka benkan ninnu bee labato.

Dusu Jire

Mahamadu Konta Dokala Yusufu Jara

Kalo kura ninini ma se sanfclile la

Dugukolo be mununmunun ka tile lamini. Kalo be mununmunun ka dugukolo lamini. Kalo be dugukolo lamini ka ben tile 29 ani leri 12 ma: o de ye kalo kelen dafalen ye. Kalo te tunun kabakolo la pewu tuma si la. Tile yeelen kono be se ka kalo tunun mogow la tuma dow la.

Kalo de ka surun dugukolo la kosebe ni sanfetenow ye. A n'aceye kilometere 384.403 ye. N'i ye sumanikelandaa cemancefe, n'o y'a koorikoneci ye, o be ben kilometere 3.474 ma: kasoro dugukolo ta ye kilometere 40.000 ye.

Mogo be se ka taama kalo kaniko dugukolo. O de koson dönniyaw sababuya la, mogow be taa kalo la konjenini na. Dönnibaaw ka fo la, san o san kalo b'a mabo dugukolo la ni santimetere 3,8 ye.

Waati dow la tile ni kalo be bonya walima ka dogoya mogow nekoror; o ye yecogo ye; n'o te u te bo u cogo la.

Kalo b'a ka mununmununsaalo ke k'a foori tile 29 ni lere damado kono. A fan kelen min nesinnen be dugukolo ma o te yelema. Kalo jowaati n'a sawaati la, a koorinin min be menemene, o be tali ke a sincogo la tile ma.

Tarikuwy'a jira anna kabini lawale la, ko Eziputikaw y'u sinsin kalo ka mununmununsaalo kuntaala kan, ka san tila waati 12 ye. O tilayorow ye kalo kelenjatew ye. Diinemogow fana b'u ka don kerénenrennen jate bo san kono ka keje n'o kalojate cogoya ye. Silamediine na, selinin ni seliba b'o la; ka fara seli werew kan.

Bee b'a don seliwaatiw jate be mine tile cogoya fe. Sanni monturuka

bila bee sagoya la, mogow tun b'u ja kundamaw jate mine seliwaati la. An be don minna, odabilala. Monturu be alimami bee bolo la; a be misiri ni egilizi bee fana kono. Ala y'o hakili numan di hadamadenw ma, u ka waatiw jatemineni kama. Ni monturu tun ma dilan, an ka alimamiw tun na mun ke tilebobalyadonw na?

Dönniya kuraw sababuya la, nogonsoco minnu be kalojateko la, o sera dabilo ye an ka selidonw foli la. Kerénenrennenya la, san 2006 seliba kera maloyakoba ye Mali kono. Don folo min forobafra jamanadenw ye ka keje ni kalojinijekulu ka jate ye, seli cera ka bo o la, k'a bila don were la.

Nitaa tun kera ni dönniya kurawye, i n'a fo dije kelen don ni monturuko ye cogo min na, gelyea min donna

seliba donkola, otunténa ke. Dönniya kuraw be selidonw don ka bila hali n'a kera san 20 ye sanni u ka se. Ni son kera monturu la, munna son te ke zepesi (GPS) la?

«Zepesi» ye jatemineni ye min be fenw sigiyoro jira dugukolo kan. A b'i kojufakonoteleponi. Sefawariba 80 be don a la. Ale sababuya la, mogow b'a don kalo be hake min na kabakolo la su ni tile bee la, ani ka tile bowaati n'a binwaati don.

Mali kalojinijekulu be se k'a yeredeme ni zepesi ye a ka baara kono, sabula kalo te ye ne na waati dow la.

An ye nin kunnafoni in soro Nantin Usumani Tangara fe, ji ni kungo lakanani nemogoyaso la Bamako.

An delila k'a bo Kibaru kono san 2007 zanwuye kalo la

MANSA tondenw ka lajeba 8nan kera Bamako yan

MANSA ye jekulu belebele ye min tondenw jenseen be dije fan tan ni naani kono. A sun be Lamerikenjamana na. Bi, a nemogoba ye an balimake Kasimu Gawusu Kone ye, o ye maliden ye ka bo K o l o k a n i n . Karamogoba Kasimu Gawusu Kone be karamogoya la Lamerikejamana kan Hadamaden ani Hadamadenko dönniya karamogoba don. Hakililajigin na, ale de folo ye danegafe seben, min dajew n'u koro be sebennet don bamanankan na. Lajeba in tun ka kan ka ke Burukina Faso de. Nka nagami donnen kosa in na o jamana in kono, a kunsinna Mali ma. Ode koson, k'a ta zuwenkalo tile 27 la ka se a tile 29 ma, dönnikelaw bora fan bee, MANSA tondenw, ka na hakilifalen-falen ke. Kene in wasara; a kera dönniya jenseni kene ye, a kera bonya ni karama kene ye ani sebe ni tulon.

N'i y'a men MANSA, koro de b'a la. Tine don MANSA ye ton ye, jekulu don, nka mogow kalannenw de y'a tondenw ye, minnu ka baara be boli Mandenjamana dönniyaw kan, korelen ni kuraw, a seko ni dönkow. Mandenjamana lawale, a bi n'a sini, odönniyaw nejinibagaw, olu de jera ka MANSA sigi sen kan. A tondenw na, narsara be jinika caya nifarafinw ni larabuw ye. Ton in ka baarakenafolo ye tonwari ye, ani demebagaw ka ninaw. N'i y'a men Mandenjamana, jamana tan ani ko don : Burukina Faso, Kédiwari, Ganbi, Gine Bisawo, Lagine, Liberiya, Mali, Moritani, Nizeri, Senegali, Saralon.

Dönniya suguya camankaramogobaw be ton in na : Tariku dönnibagabaw, masalaw dönnibagabaw, seko ni döndo dönnibagabaw, hadamaden dönniya kalan karamogobaw, kankodönniya tigilamogow, hadamadenko dönniya tigilamogow... Tilesabalaje in sigira naniya min kan, o kera nin ye «Nin y'an san 50 ye Afiriki horonyana, yali mandenjamana be se ka ke Afiriki ka kelenya sinsinyoro ye wa?»

Tile saba in kono, kuma dira mogow 50 nogonna ma, karamogobaw b'olu la, jininkelaw ani kalanden körbaw. Tomon kolonw wugubali dönniya be mogow minnu na, olu y'u sinsin fen koro wogobelenw kan, ka jira ko feere ni dönniya minnutunbe Mandenjamana kono, sojoko la, bogodagadilan na ani jirimogoniw, o fanga tun ka bon. Seko ni döndo sira kan, a jirala ko namakalaya tun te ko lankolon ye. Mandenjamana mogow tuntilen don Kuluba fila ye : tontigi ni tontan. Namakalaw tun ye tonntanw ye. Olu ka baara tun ye kodonbaaraw ye ani hakililabaaraw ani kiseyabaaraw, ka mogow kala nogonna, ka jamalakuma di u ma, u ka dönniya bee lajelen nenini, ka jama lajenaje, ka jama hakili dayele, lajew ni baaraw senfe, i n'a fo Solomaba Kante y'a jira cogo min na a ka gafew kono.

Ladamu ni mara sira kan, ani fasokanwyiriwali, mogow kumana olu fana kan, k'a jira ko jamanandenw k'a ninj k'a don mara tun be ke cogo min na kakoré anfe yandu kono, bolon kono, dugu kono, kabilia kono, O mana faamuya, dönniya kuraw be ke k'o dafa. O mana ke, fura be soro

kalankola, politikiko, ani yiriwalikola, sango baarako ani jogow mabenni. Kuma caman fura diñeko fana kan sango silamediine ani tontigiyadiine. Tontigya de ka koro ni silameya ye Mandenjamana kono. Silameya y'a kele nk'a laban na a ni silameya dorogora nogon na. A be se ka fo ko Mandenjamana silameya b'i n'a fo silameya kerénenrennen min nogon te yoro were.

Bakurunbafo la, ani kumakunce la, a jirala ko Mandenjamana be se ka ke Afiriki ka don nogonna sinsinyoro ye;

nk'a sirilen be baara la, ani dönniya ni seko ni döndo ninini, ani benbaw ye minnu to u ko, ka olu neñini k'u don, k'u labaara, k'u lanenamaya, k'u bérében bi dönniyaw ma, kasoro ka baara ke n'u ye. Lajeba in kumaw fura tubabukan na, angilekan bamanankan, ani maninkakan. A kunceli neñajew kera Mali fenkoramarayoro la ni foli ni tanuniye, ka yafa nogon ma, ka soro ka mogow labila, ka k'an ben da nogon ye. Ala k'an ben a nogon were ma.

Mahamadu Konta

Bamako - Konakiri siraba to labanni dabane filo kera

K'a damine Woyowayanko pon na ka taa a bila Kangaba ni Gine Konakiri sira farayoro la Sebeninkoro Bamako, jamanakuntigi Amadu Tumani Ture y'o furance in dilanni dabane folo ke jumadon zuluyekalo tile 16 san 2011. Bamako - Gine Konakiri siraba yoro do y'o furance in ye. A be dilan ka ke taa ka segin sije fila ye. Siraw nogonkunbenyoro min be Bamako babilo kura jiginni kofe, o bolofara do don ka jigin Sebeninkoro kono, ka taa fo Gine Konakiri. O de ye Mali siraba 5nan ye. Sira in dilanni ye baara suguya fila ye : siraba yere dilanni, an'a kereseflaw labenni. Furance min be dilan, a kuntaala ye kilometere 4 ni tila ye. Taakasegin sije fila, sennamogow be yelen fen min sanfe ka taa jigin siraba fan do fe, o fila be jo. Sirakerefeyeelenw be turu ka jibolisiraw bo. O ye baara kun folo ye. O kofe, Sebeninkoro sugu be dilan, ka kogonin jo a ni siraba ce; jibolisira bolenw bilili ani ka mobilipeseeyoro do jo sira kunna. Baaraw musaka mume be ben sefawari miliyari 8 ani miliyari 500 ma. Waribon min nesinnen be Afiriki yiriwali ma n'o ye «BAD» ye, o b'a jo ni musaka in sarali ye. Siniwaw ka cakeda min be wele «COVEC - Mali», baaraw keli yamaruya dira o ma kalo 12 kuntaala kono. An be don min na, BAD ye musaka min don sirabako dafe Mali kono, o be se sefawari miliyari 120 ma. O sirabaw do ye Bamako-Dakaro, Kita - Saraya, Buguni - Sikaso. BAD ka lasigiden y'a jira, ko Bamako - Narena - Kuremalen-Konakiri, o siraba in to de labanni dabane folo kelen file nin ye. Siraba in dilanni kololo yelenna siradalamogo minnu na, musaka min be sara olu ye, Mali joyoro bena ke o sarali ye. O be ben miliyari 1 ani miliyari 300 ma.

Bayi Kulubali / Dokala Yusufu Jara

Farako te izini ye baara damine kokura

Mali ka te dilannen bëna bila sugula kokura; sababu te izini min bë Farako n'o ye Sikaso dafedugu dō ye, o seginna a ka tedilanbaara ma. O waleya in kelen bë kunkorotako ye Sikaso mara moggow bolo. U y'u ka nisondiya jira a kola. Mali te kanubaaw sagc bëna k'u ye.

A bë san fila bo bi, Mali ka kunnafonidisëben «Esori» kopenjininaw tun taara Farako tedian izini laje. U'y'a soro a ka baaraw lajolen don k'a sababu ke gelya caman ye. Solomani Kone min ye izini in lawlubaaw dō ye ni bëe b'a wele Farisi, o tun y'a jira ko san o san, ni do te fara Farako izini gelyaw kan, fen tun te ka bo a la. Nafolo de tun bë ka tine a baara dafé, n'o te a tun te ka nafa ladon. Farakotefana tun negebora a minbaaw la k'a sababu ke te kura dntaw ye Mali kono. A tun ma se olu ka sinaya koro. Tesunw fana tun koro ka kosebe ladonbalya fe. Nitesun te bulu kuraw bo, a te man di. Baarakelaw yere tun te tebulu numanw njugumanw wolomaa ka bo njogon na bilen. U bolo tun mana bën tebulu suguya o suguya ma u b'o kari. Te labaara minenw tun koro. Fen min ye te dilanko numan ye, u tun te se k'o ke tuguni. Minen caman tun ka ca ni san 37 ye baara la. U nonabilalan fana tun te bolokoro a waati la. Jilatonyoroba min tun bë yen, cencen tun y'o fa k'a jibolosiraw bëe geren.

Hakililajigin na, Farako te izini sorola Malife a ni Siniwajamana ka jenogonya kono. Mali ka izini folow do don; a kurunbonkarila kabini san 1976 waati la. Nka Siniwaw ye te seneyorø numan nininibaaraw damine Mali kono san 1963 waati la. Te bë ne yoro min na kosebe o ye funteni ni sumaya fanga ka bon yoro nin na, ani tile ka sebekoro jo a kan. A ka soro a yoro sanji nata bë milimetere 200 bo kalo kono. Te min bë sene kuluw sanfe, o de ye te numan

ye. Sabula n'a ka surun dugukolo la, fiñejenama te don a koro, a buluw bë balabala döönin k'u te numanya tine. Ka da nin fen kofolen ninnu kan minnu ka di te la, a jirala ko Fenkolon, Farako ani Lutana Sikaso mara la ka fara Lobuwala kan Kita mara ia, kote bë se ka sene o dugu ninnu dugukolow kan. Segesegeli labanw na, Farako de sugandira tesene kama Malila. Teforo min labenna o ye taari 402 ye.

San 1976, Siniwaw sorola k'u sen bo a baara la k'a to Malidenw bolo. Olu tora ka izini in labaara fo ka se san 1957 ma. Cakedaba min tun bë jago ke Malikono folon'a tun bë wele Somesi, o de tun bë Farako te sannifeeri njenabò. Nka ale ma se ka jigiw fa. O de la Mali ni Siniwajamana fila y'u jilaja a la san 1987 ni 1992 furancew la. O yere ma ke jigisigiko ye. Sabula a damine na te toni 127 tun bë soro san kono. A laban nana ke teme tun te ke toni 70 kan. Siniwajamana kelen sorola k'a kun don Farako izini kono san 10 kuntaala; k'a ta san 1993 la ka se san 2004 ma. San 2005 mekalo tile 4 ni bi ce, Te Faarako bë cakeda dō ka bolokan min bë wele tubabukan na «SOGET-MSA». A b'o fana bolo san 10 kuntaala. NKA ka da minenko ni wariko gelyaw kan, Farako izini firila pi. Minne ninnu koro, wari min bë don baaraw dafé, o nafa te ka soro a la. Tile o tile gasiwalitiri 300 bë dun Farako izini fe. Oye litiri 9000 ye kalo la. Sefawari miliyon 5 y'o ye. San 2007 kono te toni 123 ani kilo 310 sorola. O feerelen wari benna sefawari miliyon 164 ma. Nka o wari in na, miliyon 205 taara izini musakaw dafé. Kemesarada la oye izini bënennen ye miliyon 25 ani 600.000 la a ka wari soro hake la. San 2005 la, a bënena sefawari miliyon 29 na; san 2006 ta bënena miliyon 18 ma.

Ni do te ka fara bin kan, izini te ka wuli, njemogow wajibiyara ka caman bo baarakela hake la. Sisan Faarako te



Farako te izini wulila kokura zuwenkalo damine na.

izini baarakela mume te teme mogo 25 kan; kasoro a b'a tannifilafili la waati min na, a jama tun bë mogo 300 bo. Muso dama tun y'o la 150 ye.

Izini tun b'o dabolo jugu min kan, Iziniko, baarabaw ani jago minisiriso ye segesegeliw ke Farako te izini kan, kasoro k'a nini setigiiwwfe, uk'usendon tekola walasa ka ni kura fiye izini in na. O de koson cakeda 15 njogonna ye wele jaabi. Olu ka baara ye te ladonni ye Mali kono. N'o ye Bubakari Tanja ka jekulu, Asikari ka jekulu, Mulayi Mohameddi, Solomani Kone, Madala Kuma, Madamu Beni Baba Jamila Ferijani. An be don min na o muso in ye Farako te izini njemogojekulu kintigi ye. Nin setigiba minnu sendonna iziniko la, o kun ye ka Farako te izini sigi sen numan kan ani k'a sannifeere boloda ka ne.

Farako te izini tabaa kuraw ye baarakela koro dōw ta an be don min a. Izini njemogoba kura kera Mukutari Tarawele ye; o min tun y'a njemogó dō ye Mali togo la kasoro jamana fila in be

k'a labaara. Mukutari Tarawele ka fo la, Farako te izini wulila ka baaraw damine zuwenkalo salen in daminewaati la. Teforo labenna, ka jimarayorø labo. Minen tijenew falenna, ka baarakemin kura wërew fana sigi. Tebulu kura minnu bë ke te numan ye, olu koni bë fan bë fe sisan. Tile o tile u b'o toni 5 kari ka bayelema ka ke te ye. Farako te izini sigili a sen kan ka ke izini nafamaba ye, o te ne musakaba donni k'o a dafé. An be don min na, izini in be gasiwalitiri 1000 dun dögökun o dögökun. Sabula kurandigurupu min bë yen, o koro kosebe. A numan ye kurankadon yoro in na.

Te numanw bë ka dilan; n'o ye te «4011», «4012», «4013» an'i tikise kunbabu min bë wele tubabukan na «gorogerø». Izinitigwi sago ye o te ninnu lasagominen numanw soroli ye, walasa tew diya ka to u la waati jan kono, min b'a to izini bë to teminnaw jigi koro.

Dusu Jire
Dokala Yusufu Jara

Bamanantile maana dō sebenna k'a ke gafe ye: «Njelékoro ka Tonkan»

Maana in dara Jeli Jafe Jabate fe. A sebenna Adama Jokolon Kulubali fe, o ye karamogoba ye Iniwérésite la Bamako. Gafe in donna négé la Sanba ñare fe. A njebilakuma sebenna an Karamogoba Adama Samaseku fe, o kera kalanko Minisiriye ka teme ani Afiriki kankowy iiriwalicakeda njemogó (ACALAN).

Alàmisadon zuwenkalo tile 30, san 2011, Njelékoro ka Tonkan gafelama jirala mogow la njenaje dō senfe faso gafemarasola. O njenaje in njemogoya tun be kalanko ani fasokanw yiriwali Minisiri bolo, karamogoba Saliku Sanogo.

Jeli Jafe Jabate ye ñaara ye jeliya kono. Jeliya dönniya b'a la cogo min na, a majigin b'a la o cogo la; an'a sabali n'a munu. A ka kuma kelen-kelen bës ye kalan ye, wajuli, ani miiri ni taasi. Jeli Jafe Jabate bë bo Waaro, o bë Börön fe, Bananba serkili kono, Kulukoro mara la.

A bangera san 1945 waatiw la.

Njelékoro ka Tonkan ye bamanantile maana ye, cefarinmaana don. Karamogó Adama Samaseku ye min fo a kan, o kuma koloma dōw file nin ye. A sinsinnen bë «maa duuru kan, n'olu ye : Baa Nci, Masajan, Demninba, Banjugu, n'a bë wele «Njelékoro ka Tonkan», ani Buwa köroba. «Njelékoro ka Tonkan» ye cefarinmaana gafe ye cefarin kan, min ni tow te kelen ye : « A te kélé ke ni marifa ye! A te kélé ke ni tama ye! A te kélé ke ni muru ye : Nk'a disi».

N'i ye gafe in kalan, «i bë bala k'i yere ye bamanankan dogodogojew n'a jan misenninw cema, i'n'a fo denmisenninya waatiw... Kumaw munumuñucogo sebenn don a njema cogo min na, hali i te danfara ye kuma fccogo n'a sebencogo ce. » Gafe in jirala njenaje sankorotara ni waleya caman ye, bawo Jeli Jafe Jabate yere tun b'a kéné kan ani a denke. Jeli Baba denke, Jeli Solomanni Sisoko, o fana tun bë kéné kan. Jeli Seyiba Lamini Sisoko, o fana tun bë kéné kan ani donsonkoninfo Solo Konate ka bo Jikoroni. Ninnu bës y'u jeniyorø fin ka jama njenaje, ka jama son hakili la.

Adama Jokolon Kulubali, ale min ye maana in sebenn, ale ye kuma ta, ka Jeli Jafe fo k'a waleuman dōn. Isaka Balo, ale ye masala in dōnsenw n'a kumajagosenw da mogow tulokan. Karamogoba Musa So, ani Saliya Male, olu ye masala in fesefese k'a kunkun n'a njen bo njogon na mogow ye. Magima Gaburyeli Konate sorola ka Gafe in yoro dōw kalan kalancogo ceni na fo ka mogow kunsigi wulu ka jo : folikan diya, Jeli Jafe ka kumadonsoya, kuma bë golobasa, ka sumaya, ka girin ka jo, kuma kurukuruyorø n'a tönomiyorø, kuma bë farinya k'a timinya, ka kunanya; Magima ye nin bës jira mogow la. O kofe njogondanw kera, kalansoba kalanden dōw ni njogon ce dañeko kan.

Mahamadu Konta

Samiye jate tun be mine doolow cogoya la

Waatiw temena a ma meen, cekoroba kodonnaw tun be san koketaw jate mine sanfeholow (doolow) la, ani koonw kasikanw na. Kerenkerenya la samiyé damineni ni fo boli waatiw la. Odonnin ninnutunye wulibaliw ye. Doolo damado be yen, n'i tun y'olu ye cogo do la, siga t'a la o tun ye samiyé seto ye. Senekelaw tun b'u hakili to u yere la forow labenniko la. A be fo o doolaw ma «seba n'a den», daw be wele cesabadoolo walima Badara Alu ka doolo. Ni nin doolo ninnubinwaati sera tilebinfe, o b'a jira ko samiyé sera. Seba n'a den be binnidamine mekalo tile 15 la ka se a tile 30 ma. Cesabadoolo be binni damine zuwenkalo tile 15 ka se a tile 20 ma. Nin doolo ninnu si kelen te bin sanfinneba ko walima sanjiba finema. O ye san o san ye. Kono suguya minnu be samiyé kofo, o do ye ntolen ye. Ni daw b'a wele Makantaakono. Ntolenw be temeni damine zuwenkalo tile



Yaya Mariko

1 ka se a tile 10 ma. Senekelaw tun be dugujalandanni ke a konona na. Ntolen labanw be teme tuma dowl la fo zuluyekalo tile 25. Dooloko la halibi, seba n'a den be wuli koren fe zuwenkalo tile 1, cesabadoolo be wuli koren fe zuwenkalo tile 25. U bee be kolosi dugujendaw fe sanni fajirikene ka ci. Uyelibelaban ka ke fitiri walima saafokoye. Ankoni be waati minna sisan, seba n'a den be ye kabakolo la fajirida fe. Folomogow tun ma lakolikalani ke; nka donniya min tun b'u la jatemine na, o tun ka bon k o s e b e .

Yaya Mariko
ka bo Senu Bamako

Fasokanw labaarali sen ka suma

Jamana nemogow wulilen be k'u jo fasokanw ka se ka yiriwa. Osiratige la, a fora u ka ke baarakeminsw ye kominiw kono, ani k'u ni tubabukan be taa ni nogon ye. Nka halibi o naniya in selen te ka waleya kominiw kono folo. Jatemine na, kunnafoni minnu be lateme Mali arajosoba n'a telewisonsooba fe, o fanba ye tubabukan ye. Ne hakili la a numan yesinsinka ke tubabukanifasokanw kandamakeni kono kunnafonidilaw fe. Jamana nemogow k'a don, ko tubabukan menbalya be ka jamanaden fanba bali kunnafoni nafama fanba soro la joona faso ka kunnafonidioroba la. Daramani Sise ka bo Nogolaso, Sanzana komini na Sikaso

Wulakonokomini ni dugubakonokomini, danfara jumen b'u wunjettiw ce?

Anw tun y'a jira ko Kibaru jemukan boli nege kanje 11nan na k'a ke a kanje 12nan ye, k'o kera geleya y'an ma. Sisan a seginna a waati koro la n'o ye nege kanje 11nan ye, o diyara anw ye kosebe. Ne ka foli be Arajomali nemogow ye. O temenen kofe, fen do be ka ke anw fe yan sisan, anw ma faamuya soro o la. Ni polisiw ye bolifentigi mine wunjetti la, n'o tigi ye wunjetti jira, min tara komini were kono min t'a minena komini min kono o ka wunjetti ye, u b'a fo k'o wunjetti man ni. Tuma daw yere la polisiw be ban wulakonokomini ka wunjetti la fo dugubakonokomini taw. Nin waleya in ye geleyaba ye anw wulakonokominiden kan. Ola ne be min fo an ka faamaw ye, wulakonokomini ka



Bakari Danbelé

wunjetti ka ni o, u man ni o, anw b'a ta; sabula an ka mewi de b'a feere an ma. Ni danfara min be wulakonokomini ka wunjetti ni dugubakonokomini ka wunjetti ce, an b'a nini faamaw fe, u k'o fo an ye. N'o te anw te danfara don u la. Sanga ni waati bee la i b'a men ko polisiw ni bolifentigie be nogon na wunjetti la. Wunjetti ninnu ma bo jamana were la ka na; Mali komini ka yamaruyalenw don.

Bakari Danbelé ka bo
Sikaso Wayerema 2 la

Walabilaw la, balikukalandenw be kiime wa?

San o san ni kalantaw sera, a be fo ko balikukalanso caman fana dayelela. Ni kalabilaw sera, lakoliw ni madarasaw be datugu ni o kalandenw ka kiimeni ye. Mogo hake min be ka kiime ani hake min mana sew soro, olu fana jaabiw be fo bee k'o men. Nka n'a bora balikukalanso dayeleli kunnafoni dama na, an t'olu si kiimeni n'a jaabiw don bilen. Ne be jininkali min ke balikukalan nemogow la, yala o kalanso ninnu de te kiime wa?

Ni kalantaw sera, kalanko, balikukalan ani fasokanw minisiri be lakoliso damadow laje. Nka it'a men k'a sera balikukalanso do dayelelo la. Jininkali la, yala nafa de te balikukalan na jamana yiriwali siratige la wa?

Jatemine na balikukalan kelen be faamaw ka kanpani kelen doron ye. O de kama a b'i n'a fo balikukalan kecogo te kolosi, a kalandenw fana te kiime k'a don ni donniyaw be ka soro. Ni demokarasi dabora ko bee ka kuma i kuntilenna kan, anw balikukalannaw fana be kuma balikukalan kan; sabula o de y'aww kuntilenna ye faso joli la.

Yaya Marikko ka bo Senu Bamako

Biden kelen be gasidombali ye

Jatemine na, ko minnu keli be mogokorobaw lamaloya, olu ye bidenw ka ketaw ye. Utu naniyaw dajira mogokorobaw la folo sanni u k'u waleya.

Didenw te mogokorobaw gasi sigi tuguni, u dama ka go u kunna. Mogokorobabonya dunteyoro min na, Ala te here ke yen. Bonya te fosi bo mogo la. Waatiw temena, denmisenn tun te son ka waleya do ta ka mogokoroba segeré, min bena ke sababu ye k'a lamaloya. Ko dajirakun ye kodonbaaw la u k'bilasira. Ni denmisenn tu ka ko sara mogokorobaw la, ufana nifili (gasi) tena ban dinlatige la.

Folomogow tun ye dansigi ko caman na u ka jenamaya kecogo numan kama. Nka

bidenw y'o be terekene'usen ye, k'olu tuma temena, ko ko koro don. Ni ko koro don, annu gasi be nogon na sa de. Asani Tarawele ka bo Kokuna, Kapolondugu komini na Sikaso

Bolifentigie k'u janto denmisenninw siratigeyoro la

Kibaru boko 472nan ne 3nan na, ne y'a kalan ko san 2011 /2020 furance bolodalen be dije seleke naani mogow fe, sirabakankasaara keleri la. O ye hakilila numan ye. Nka a be fo ko ni mogo min b'a fe k'a da don saniyakokuma na, a k'a senkorola furan ka je folo. Anw fe Kucala ni Sikaso furance la yan, dugu do be yen a togo ye Peperenna. A ni Sikaso ce te teme kilometre 15 kan. Denladamuyoro do be dugu in kono o da sinneñ be gitorema. Baara wuli ni baara jigin waatiw la, Peperenna fetemeni ye sisikilasabiri ye. Lakoliso fila fana be gitorenda la kokura. Olu bee da bolen be ka bila siraba in na. N'i ye denmisenninw ye munumunu na mobiliw ni mototigie ni nogon ce sira tigeliko la, i be siran. San do la mobili ye denmisennin do faga yen. Oni bi ce sirabaw kolosibaaw selen te ka taamasiyennan fosi turulen siraba in dala halibi, min b'a jira ko bolifentigie k'a ke doonin ko denmisenninw temeyoro don. Modesi Balo ka bo Kucala Sikaso mara la

Poyi : Kele wulila

Kele wulila,
An bee ka kele don.
Kele wulila tun.
A be hadamaden ni jonne ce?
A b'an ni sosow de ce.
Yeleko te de!
A'w m'a ye, u te siran an ne hali diconin !
U be baga an ma k'an cin,
Ka sumayabana lase an ma o cogo la.
Obana kelen be hadamaden caman sata ye bi.
An k'u kele an sekoh bee la,
Sebaa ka don ten sa.
N'an ma son k'u kele,
An kera jitow de ye.
Marifamugu joyoro si te nin kele la,
Muru joyoro t'a la,
Tama joyoro t'a la.
Fen kelen de joyoro ka bon a la kosebe,
O ye sange sulen ye sosofagalanjila.
Basi bee n'a sonkan don.
Sange sulen ! Sange sulen !
Sange sulen !
Sangesulen sosofagalanjila,
o nogonna si te bi.
Maa kana sunogo o ko bilen,
Maa si kana ke yen k'o do ti f

An ka siginogonya fana wuli ka bo an ni sosow ce.
N'anbe yorongolenwsaniya,
N'an be nogenw ni suturaw saniya,
N'an b'an sigiyoro mumusaniya,
O na ke sababu ye ka sosow fara ka bo an na.
An ka ninnu ke, k'an sigi k'a to laje.

Musa Tarawele ka bo
Basabugu, Nciba komini na
Kati

Joseenenaw fana mago be angere la

Samiye baaraw b'u tannifilafili la anw fe yan. Sumanadanta camandanna. Now ni tigaw b'o la. Mogo caman yere ye korsiyenni damine. Sisan sumanw falencogo ka ni. Finiw bulukura kaban, u falencogo fana ka ni. Geleya min be yansenekelaw kan sisan, o ye angere soro balya ye. ANgererekumata unfora waati do la, nka halibi an ne ma da a kan folo. An b'a nini jamana nemogow fe, u k'u hakili to joseenenaw fana na angereko la.

Amadu Sogo ka bo
Teredugu, Timisa komini
na Tomijan Segu mara la

Maakorobaro : Baaranumanké

Baara ka ca, sene ye baara ye, tobili ye baara ye, feere ye baara ye. Fosi te, ni hadamaden be min ke, k'a dahirime soro a la walima a kan'a dahirime soro a la, o bee ye baara ye.

Nka baara kecogo de be jini baara kebagaw fe, baara kecogo ka ne, baara numan de be jini baarakelaw fe, baara kolon te.

Baaranumanké te doweré ye, i be baara min na, i k'i yere di kosebe o baara keli ma; walasa baara in be ne i n'a fo saratikan y'a fo cogo min baaratigi ni baarakela ce.

Baaranumanké ka gelén, a te sabati yeredi ko, yeredi ye segen ye, wosi, muju, timinandiya ani yeredon ye; i togo makaranni, i danbe makaranni, i ka horonya makaranni, i ka tilennenya makaranni. O tuma, baaranumanké ye yeredon waleyali ye.



Daramani Tarawele

Baaranumanké be baarakela nisondiya a yere koro, a ka sara b'a mago ne, a be balo a wosi la, kitit'a kunkan baarako la, a be togo duman soro, a ka baaratigijama ka ca, a te dese baara la, a lakodonen don, dannaya ni bonya b'a kan.

Baaranumanké be baaratigi nisondiya, a te filanfilan don baarawarisara la, a te fara baaranumankela febaara la, a be baaranumankela togo fo bee ka na baara di a ma; a be mankutu numan laboli baaranumankela kan, a be malo a ma, a b'a bonya.

Baaranumanké nafa te fo ka ban wa a nafa te mogo kelen kan, a nafa be sigida mume de kan. O de b'a ke nimisa te baaranumanké la.

Baaranumanké dennen don baara dönni bere la, ni baarakela b'a ka baara dönni, a be baara numan ke. Kabini degedenya tuma, baara be dönni konuman, jogu numanw fana be ta degeden fe. O yere ye baaranumanké ye. Degeden kolon te doweré ye baarakolokela ko.

Karamogo Daramani Tarawele
Ladamuni Ilnan (Hinejogonna)

Kalankene n° 108nan :

Jamana sariyasunba tigeda labanw

Sariyasunba tigeda XIVnan be boli Mali ni jamana werew ce benkanw kan ani Mali ni dije tonbaw ce benkanw. Sariyasen saba b'a kono: sariyasen 114nan, sariyasen 115nan, ani sariyasen 116nan. Sariyasunbay'ajira kojamanakuntigi be benkanw jini, a b'u bolonobila, Mali togo la. Mali be don benkan o benkan na dije kono; hali ni bolonobilako t'a la, jamanakuntigi ka kan ka ladonniya o bee la. Benkan minnu be boli kelleban kan, minnu be boli jagokow kan, dije tonbaw kunkankow kan, hadamadenw cogoya kan, jamana nafolo be don benkan minnu dafe, benkan minnu be boli jamana dugukolo latemenniko kan, a falenni n'a farali dugukolo were kan; son te se ka ke olu ma k'u bolonobila fo n'u ni jamana sariyaw be nogon ta. O benkan suguya ninnu te boli jamana kono fo ni ben kera u kan tuma min na k'u bolonobila. Jamana dugukolo latemenni, a falenni n'a farali jamana were dugukolo kan, olu te ke abada, ni jamanadenw ma dije n'a ye. Sariyasunba y'a jira, ko benkanba minnu be teme Mali ni jamana werew

ce, walima Mali ni dije tonbaw ce, son mana ke olu ma ka kejne ni jamana sariyaye, kabon u kan, k'ubolonobila; o la, u be bila jamana sariya tow sanfe. Nka o k'a soro benkan ninnu be kalabato a nema a bolonobilala to bee fana fe. Sariyasunba tigeda XVnan be boli Afiriki ka ben ni kelenya sinsinni kan Mali fe. O hukumu kono, sariyasunba y'a jira ko Mali be kaari, ka dije, a ni Afiriki jamana werew ka fara nogon kan walasa ben ni kelenya ka sabati Afiriki kono, a mana ke faranjogonkan suguya o suguya ye. Sariyasunba tigeda XVInan be boli seginkanni kan. Ni segin be ke sariyasunba kank'a fesefese, k'a yoro daw falen, kecogo de b'o la. N'o be ke, jamanakuntigi de b'a lapini ani depitew. Seginkanniseben be fesefese depitew fe; u be wote k'a yamaruya walima k'a bali. N'u y'a yamaruya, seginkanni in te se ka sabati fo ni jamanadenw y'u naniya jira a kan. O be ke woteba senfe, n'u ko a ma «referandamu». Ni dankarila jamana dugukolo la, k'a fo ko yelema be don sariyasunba la k'a sababu ke o ye, o koni kuma t'a la. O bolen ko yen, dakun daw be yen, i

n'a fo, jamana ye Erepibiliye, o koro ye jamanadenw de be wote ka nemogow sigi ani k'u wuli, yelema te se ka don o fana na sariyasunba kono. Jamanadenw sago be u ka diineko la, diine min be ben min ma, o be don o la. Ni diineko man di mogo min ye fana, o b'a yere sago la, yelema te se ka don o hakillila ninnu fana na sariyasunba kono. Tencamanko fana b'o cogo la.

Sariyasunba tigeda XVIIinan be boli laben labanw kan. Sariyasen saba b'a kono: 119nan, 120nanani 121nan. Ale b'a jira ko jamana sariya bee dili be sariyasunba kono. A b'a jira ko jamanadenw be se ka muruti ka «Erepibiliye» lakana. Kudeta ni murutilianfa jatelen don i n'a fo fasojama janfali; owaleya in ni nangili ka kan.

Sariyasunba tigeda XVIIIinan be boli, waatilako daw kan minnu tara furancelafanga konona na. Ob'a jira ko fanga be furancela fanga bolo ka jamana mara, k'a labaara, ka jamanadenw lakana, ka bee to i sago la, sanni fanga sigibolow ka sigi sen kan tuma min na.

Mahamadu Konta

Dukene n° 83nan : Woloseben

Du kura kono, den be wolo dogotoroso la. Muso mana kono ta, a be to ka taa a yere laje tuma ni tuma dogotoroso la. A be to dogotorow ka kolosili kono fo ka taa a jigin don min na. O de kama an ko du kura kono, den be bange dogotoroso la.

Ni den bangera doron, o yoronin

bee la, dogotorow b'a nimoro seben gafeba kono. O y'a soro a togo ma da folo. A fa n'a ba togo be seben an'u ka baaraw ka fara a ka nimoro kan. A bangesan n'a bangedon an'a bangewatti, ka fara a bangeyorokan, an'a siya, ani ni ce don walima muso, o bee be seben dogotoroso gafeba in

kono.

O kofe dogotoroso nemogow b'o kunnafoniseben bila ka taa meri la wali Kube la, do be di denba fana ma a.n'o be taa.

Ni jubaato n'a den taara so, denkundi be ke. Ni den togo dara, bangebaa be segin dogotoroso la n'a ka seben kunkurunni ye ka den togo da dogotoroso tulo kan. Dogotorow be dentogo seben, kasoro ka nebilaseben di bangebaa ma. Bangebaa be taa n'o nebilaseben de ye meri la walima kubo la ka woloseben yere-yere dilan n'o ye.

- Woloseben folo be dilan joli? A be dilan Fu. Nka n'i be haké were dilan ka fara folo in kan, o kelen-kelen bee be dilan mugan.

- Woloseben ka kan ka soro waati jumen kono? Sariya y'a jira ko tile 1.

- N'i be woloseben dilan, i be taa ni seben jumen ye? I be taa ni nebilaseben ye; o be soro dogotoroso la, den wolola yoro min na. Kolosili: Ni meri bolon te woloseben na, o te woloseben numan ye.

Woloseben nafa: Woloseben nafa taara ka fo dan. Faamako fan o fan, a si te taa woloseben ko. N'i be don kalan na, n'i be don baara la, n'i be makonejesebenw jini, woloseben be jininka i la. Faamasebenko baju ye woloseben ye. Mali sariya la, ni kalo kelen temena kasoré bangebaaw ma taa u den ka woloseben laben, a laban na «Zizeman» de be jini a ye. O fana be se ka woloseben jojoro fa.

Mahamadu Konta

Bamako - Konakiri siraba to labanni dabane folo kera

K'a damine Woyowayanké pon na ka taa a bila Kangaba ni Gine Konakiri sira farayoro la Sebeninkoro Bamako, jamanakuntigi Amadou Tumani Ture y'o furance in dilanni dabane folo ke jumadon zuluyekalo tile 16 san 2011. Bamako - Gine Konakiri siraba yoro do y'o furance in ye. A be dilan ka ke taa ka segin sjne fila ye. Siraw nogonkunbenyoro min be Bamako babili kura jiggins kofe, o bolofara do don ka jigin Sebeninkoro kono, ka taa fo Gine Konakiri. O de ye Mali siraba 5nan ye. Sira in dilanni ye baara suguya fila ye : siraba yere dilanni, an'a kerefelaw labenni. Furance min be dilan, a kuntaala ye kilometre 4 ni tila ye. Taakasegin sjne fila, sennamogow be yelen fen min sanfe ka taa jigin siraba fan do fe, o fila be jo. Sirakerefeyelenw be turu ka jibolisiraw bo. O ye baara kun folo ye. O kofe, Sebeninkoro sugu be dilan, ka kogonin jo a ni siraba ce; jibolisira bolenw bilili ani ka mobilipeseyor do jo sira kunna. Baaraw musaka mume be ben sefawari miliyari 8 ani miliyon 500 ma. Waribon min jessinen be Afiriki yiriwali ma n'oye «BAD» ye, ob'a jo ni musaka in sarali ye. Siniyaw ka cakeda min be wele «COVEC - Mali», baaraw keli yamaruya dira o ma kalo 12 kuntaala kono. An be don min na, BAD ye musaka min don sirabako dafe Mali kono, o be se sefawari miliyari 120 ma. O sirabaw do ye Bamako-Dakaro, Kita - Saraya, Buguni - Sikaso. BAD ka lasigiden y'a jira, ko Bamako - Narena - Kuremalen-Konakiri, o siraba in to de labanni dabane folo kelen file nin ye. Siraba in dilanni kololo yelenna siradalamogó minnu na, musaka min be sara olu ye, Mali jojoro bena ke o sarali ye. O be ben miliyari 1 ani miliyon 300 ma.

Bayi Kulubali
Dokala Yusufu Jara

Mahina ni Manantali ce gitòron dali baaraw daminena

Yeelenko cakeda min be Manantali n'o ye «SOGEM» ye, o ni Senegal Ba donni ba la o jekulu min ye «OMVS» ye, olu ka bolodijogonma ye gitòron kura data in sababu ye. Kalo 24 kuntaala kono, Manantali ni Mahina ce bëna ke gitòron ye.

Sibiridon zuluyekalo tile 16 san 2011, Mali kuranko ni jiko minisiri Habibu Wani, Senegali soko, sojoani jiko minisiri Umaru Sari min ye «OMVS» minisirijekulu kintigi ye, u ye Manatali ni Mahina ce gitòron dali baaraw. dabane fôlo ke. Mali baarakeminenko ani bolifenkow minisiri Ahamed Jane Semega ka fara «OMVS» nemogoba Mohamed Salému Merizugu kan, olu tun b'a kene kan. Gitòron in musaka be ben sefawari miliyari 17 ma. Banki min nesinnen be Afiriki tilebinyanfan yiriwali ma n'o ye «BOAD» ye, o be miliyari 12 ani miliyon 70 bo, «SOGEM» b'a to miliyari 4 ani miliyon 930 bo. Siraba mingitòron dato file nin ye, Mali ka Senegali lasoro woroduguyanfan fe, a b'o gitòron dilantaw poroze la. N'o ye Bamako Kita - Manantali - Bafulabe - Kayi - Kidira - Dakaro.

Manatali ni Mahina ce gitòron mana da, ob'a to mogow ka se ka Manantali barasi lasoro san waati bee la. Sira in kuntaala ye kilometre 84 ani metere 500 nogonna ye. A fiye be se metere 9 ma. Nafa min be gitòron in na, o ye hadamadenw n'u bolofenw taakasegin nogoyali ye Mali ni Senegali ce. Gitòron be da, k'a sirakew laben, ka jibolisiraw dilan ani ka mobiliw peseycorodjo gitòron in kunna.

Lasina Jara / Dokala Yusufu Jara

Kunnafon surunw

Yuruguyurugu wari dije kono
Ni warida hake kelen dantigelen te, dije waribonba be wari ka tijenew ni namarakow hakew kolo low kiime ka bila 1 ni 5 furance la jamana k'wari sorota be kiime ka bila Erowari miliyari 50 ni ko hake la a dogoyalenba. O be ben sefawari namaralenw kolo jate be bo ni cogo la Faransi. N'i ye wari juguw kolo jate mine, i b'a ye ko a dilanni ye baara juguba ye dije kono. Nin waleya jugu in kebaaw be wari kolon caman dilank'ulamara jamana caman ka bankiw kono ka sin ka ke baanaw ye yoron kelen. Nka, ana k'a don k'a tigilamogow be farati dankan na. Bannaya in te ko (sima kuntaala jan ye.)

Bateau 352 min Tununna ji kono san 2010 kono na, o kiimèn te se nege toni miliyari 6 ni kilo 100.000 ma

Bananku ye nafamafen ye min joyro ka bon farikolo la

Bananku kanunen don dije kono kosebe. K'a ta Afiriki tilebinyanfan fe ka taa a gosia köröyanfan fe, jamana si t'o la bananku te balo jenama ye joyro min na. Siniwajamana ni Eröpu jamanaw kono, joyro min be malo la, o mandiya kelen be bananku kan.

An be don min na Burukina naniya ye ka bananku bayelema ka ke cogoya caman na, walasa bananku joyroba be ye dunkafa sabatili la jamana kono. Banankusi bora Ameriki gun kan ka Afiriki lasoro a menna. Kakawo b'o cogo la. Senefen minnu be sukaro lase mogow farikolo ma, bananku b'o joyro 3nan na.

Bananku be senè kosebe Ameriki woroduguyanfan fe jamana dow kan. N'o ye Giyani, Wenezuwela, Berezili kejekayanfan, Kolombiani Paraguwe. San 1600 waatiw la, banankusi bora Berezili jamana na ka don Afiriki gun kan. Bananku be ne Afiriki dugukolo kan. O de koso a be senè Sahara woroduguyanfan jamana caman na. Bananku be ne joyro la, hali nogoba te joyro min na; ni sanji fana man ca o t'a bali ka ne. San waati bee la Bananku be soro. Sukaro hake min be soro bananku taari kelen na, n'a bora timinkala la, onogonna te soro senefen suguya were la. Sukaro be jate fangadonnaw fe.

Dije kono, Nizeriya de ye banankubasene jamana ye. Sabula bananku hake min be soro dije kono, kemesarada 18 be bo Nizeriya. Berezili dalen be ale kan ni 12 ye kemesarada la; Tayiland be tugu o la ni 10 ye kemesarada la, Kongo Demokratiki dalen b'o kan ni 8 ye

kemesarada la.

Fangadonna hake min be Gana jamana na duminiw na, kemesarada la 30 ye bananku ta ye. O jamana ka senefenw kemesarada fana na, 46 ye banankusene ni kusene ye.

A be san damado bo Burukina be k'a fanga digi banankusene kan, k'a sababu ke bolodijogonma ye yen faamaw ni «FAO» ce. Jekabaara in kun ye Burukina ka ke banankubasene jamana ye, bananku caman ka soro min b'a to dunkafa be sabati jamana kono.

Burukina ye banankusi soro a kereljamanaw fe minnubé kogojidaw la. O waati la mogow ka jate tun te bananku kan dumunko la. A tun b'u nena ko sinsanninkonoseneñendodon ten. Nka kabini faamaw ye senè

yiriwalibaaraw damine, banankuforobaw be Burukina kono sisan. FAO be ka jamanadenw dege banankusene kecogo numan na ani k'a baarakeminenw bila u ka bolo kan. Bananku be senè samiv fe, a be senè tilema fe.

Bi - bi in na soro be ke bananku la Burukina woroduguyanfan fe. Kalan caman bolodaien be senekjekuluw ye. Burukina cakeda min nesinnen be senè soro jeninini ma, o b'a la ka bananku senecogo numan kalanw ke muso jekuluw kun kabini san 1995. O kun ye olu ka bananku numan soro, k'u bayelema ka ke dumuni suguya caman ye jamana kono, fo k'a to feere kakanjamanaw ma.

Dokala Yusufu Jara

Nininkali nafantan be furu caman bali

Sisan, musofuru kelen be kononafliko ye cew bolo bi. N'i ko i be muso min furu, o b'i nininka ni muso were t'i bolo. N'i ko muso were b'i bolo, o b'a fo k'ale te ke mogow ka muso filanan ye. O y'o furuko dabilalen ye. Walima muso b'i nininka k'i be baara jumen na. N'i te baara jolen na, furuko bannen fana y'o ye. Sisan furu kelen be dönnin döñ goman ye. Kasoro lawale la, fo ka na se yereta ma, ce tun be muso 2 fo 4 furu, kuma caman nininkali te k'a la a si furutuma na. Nininkali gelendantunye muso fôlo furuliye. Any'a men ko muso keneman tun be furu ce banabaato ma. Utun be denw soro. Dendow yere tun be ke baana ye. O y'a soro nansaratile ma na, silamediine fana tun te yen. Jamana koroba tun ye Wagadu ye, ce tun be muso soro k'a furu kasoro a donfini ye fila dörön ye : kungotaaduloki ani dugutaaduloki. Ce fara muso kan, bee tun be feerero ni dalibafini ye. Mogow tun be koori senè k'a bo. Musow b'o koori parata. Gesedalaw b'a da ka ke finikono ceniye, minnu be kala ka don joyro bee la. Fen kelen tun be ke lawale la, o tun ye ko numanba ye. Mogokorobaw tun te son muso k'a yere woloden la. Den tun mana dabo sin na kaban, a tun be mine ka di a ba sinamuso do ma du kono, o k'a lamo. Ben soro sira do tun y'o ye sinamusomaw ni nogon ce.

Yaya Mariko ka bo Senu Bamako

Mali ntolatanton njanaw ka ninan nogondan kuncera

Mali ntolatanton njanaw ka ninan nogondan daminena san 2010 nowanburukalo tile 2 k'a kuncé karidon zuluyekalo tile 17 san 2011. Ntolatan 182 de kera.

Ntolatanton nana 14 ka bo Mali marabolo bee lajelen na, olu de ye nogon soro. Ntolatanton duuru minnu ye bee dan olu file.

Folositadi Malien: Kuru 59, sebaaya 18, filaninbin 5, gosiko 3; ka bi 46 don, bi 8 donna a la.

Filan Joliba: Kuru 49, sebaaya 14, filaninbin 7, gosiko 5, ka bi 37 don, bi 17 donna a la.

Sabaner Ereyali: Kuru 45, sebaaya 12, filaninbin 9, gosiko 5, ka bi 35 don, bi 20 donna a la.

Naaninan Asiko: (ka bo Korofinna Bamako yan) Kuru 41, sebaaya 11, filaninbin 8, gosiko 7, ka bi 24 don, bi 21 donna a la.

Duurunan «CS» Dugu wolonwula: (Ka bo Bananba) Kuru 40, Sebaaya 9, filaninbin 12, gosiko 5, ka bi 35 don, bi 27 donna a kun.

Siga ma ke Sitadi Malien ka nanaya la ninan. A ka kuru donta cayara ka teme tow ta kan; n'o ye 46 ye; wa kuru bëre ma don a la fana, 8 doron. Ob'a jira ko Sitadi Malien nefela n'a kofela fila bee ka ni. Ob'a jira fana k'u ka degelikaramogó n'o ye Larabu ye ka bo Alizeri, o ka baara jena. Sitadi Malien nemogow fana ka kan ka fo; bawo olu ka deme, u ka cessiri an'u ka ben de y'a to ni JEMANW sera ka taa ne; bawo san damine tun gelevara u ka ton ma ka da sababu caman kan.

Ntolatanton kura fila be yen, olu ka sannayelen ye bee kabakoya, n'o ye Bananba Dugu wolonwula ye ani Korofinna «ASKO», olu y'a jira ko dogoya te keler sa. Dusu, teliya ani kologelya, u y'o jira kene kan. U ni foli ka kan, u ka n'emogow n'u lafasabagaw ni foli ka kan.

Ninan, Sorodasiw ka ntolatanton binna. Ale bora njanaw ka kulu la, ka jigin dugumakulu la. O fana balala mogow la kosebe.

Sanwere, Sitadi Malien, Joliba, Ereyali, SOBE, olu be taa Mali joyro fa Afiriki ntolatantonw ka kupuw kene kan. Salon, Mali ntolatantonw sen bora joona Afiriki kupuw la. O b'a jira k'anika ntolatan fanga ka dogokosebe. An yere dama ni nogon ce fadenya ka jugu cogo min na, n'o y'a soro an tun b'o nogonna kiseya ke Afiriki fadenkenew kan, an tun be taane soro.

Ninan, njanaw ka nogondan senfe, bidonnabaw kera ntolatanna fila ye. Olu kelen-kelen bee ye bi 13 don : Amadou Jalo ka bo «USFAS» la, Sorodasiw ka ntolacitonani Bugadari Fonba ka bo «J. A» la. Ntolatanna nana kera Seki Fantamadi Jara ye. Jokolosibaga nana kera Sumayila Jakite ye. Degelikaramogó nana kera Kameli Jaburu ye. Jalatigebaga nana kera Mahamadu Keyita ye. Mahamani Sise ale kera Jigi ye, Joliba ntolatanna don.

Modibo Nama Tarawele ni Mahamadu Konta

Kalo farikolojenaje kibaruyaw

1 - Sijeta walima baarita ye Mali farikolojenaje körba ye: N'o y'a soro antunkelendon kabarika donbaarita la Afiriki kono, Mali tun ka kan ka dan jamana folow fe. Nka bi, Nizeri ni Senegali, olu de be ten kan Afiriki tilebinya fanjamanaw kono. O jamana ninnu kono, sijeta fanga be nini ka bonya ni ntolatan ye.

Mali kono, sijeta federasonka baaraw tun jolen don, nka sisan ni kura be ka don u la. A nemogoba ye Ibarahima Sakö ye, k'a denfa ke Mamadu Taraweleye n'uko a ma Madukörba. Sibiri zuwenkalo tile 25 ani kari a tile 26, sijetaba kera Wenzen Kulubali farikolojenajekoyorö la. Bamako sijetaton belebele saba bee tun b'a kene kan, ka fara dogonow ta kan, sorodasiw ka ton, ani Mayeve ton kan. Mali jönjon n'o y'a darapo ye, sijetalaw tun be ka nogondank'e o de nofe.

Ton belebele 3 minnu be Bamako yan bi, olu ye Dungi Yayatö ye, Tangasipori ani Suguba sijetaton. Nogondan in senfe, Tangasipori kera folo ye, ka Dungi Yayatö ke filanan ye, sugubaton kera sabanan ye.

Nka mankan bora tulon in na, bawo Abudulayi Sanogo Tangasiporiceden an Biton Sanogo, Dungi Yayatö ceden, olu tun be nini ka dëse nogon na; nka a laban na, Abudulayi sera ka Biton Kumbere n'a kun da duguma nka a ko ma da. O kelen, jalatigebaa ye se di Tangasipori ma. O ma ben Dungi Yayatö ma.

2 - Mali Zinoriwye Kameruni taw gosi 2 ni 0 : O kera taratodon zuwenkalo tile 28 Modibo Keyita togolafarikolojenajekoyoröla. Mali ka kuruw donna Amara Male Jalo fe sanga 52nan na ani Sayidu Jalo sanga 92nan na. Ntolatan in tun ye teriyantolatan ye, walasa k'u laben kojuman ka dije Zinoriw ka kupudimoni makono; o min bëna ke Kölönb a têna mœen. Eziputi, kameruni, Mali ani Nizeri, olu be taa Afiriki joyorö fa.

3 - FIFA ye jamana bee joyorö fo ntolatankola: Esippa ni be ten kan, ka Peyiba ke filanan ye, Alimanjamana be sabanan na. Berezili taaaara fo duurunan na. Faransi ye 15nan ye. Mali be joyorö 78nan na dije kono, Afiriki kono joyorö 18nan b'a bolo. Kôdiwari kera folo ye Afiriki kono. Kalo o kala FIFA (dije ntolatantöba) be nin seréboli in ke.

4 - Afiriki musomanniw ka Aforobasiketi: A be ke Mali la k'a damine setanburukalo tile 23 ka se zuluyekalo tile 2 ma. A kalafiliw kera: kulu A : Kôdiwari, Gana, Mali, Mozambiki, Kongo Demokaratiki, Tinizi. Kulu B : Angola, Kameruni, Gine, Nizeri, Senegali, Uruwanda.

5 - Alisoni Felikisi: Muso don, bolikela don, lameriken don; ale kera muso folo ye Lamerikenjamana kan, ka boli dakun saba joyorö folo soro. A kera meterekemeboli folo ye, ka ke meterekemefilaboli folo ye, ka tila ka ke meterekemenaaniboli fana folo ye.

6 - Kupudimali final file be fiye dunanw fe ninan. A file be fiye Esipani jalatigebagaw fe. Olu be n'a kama. Nin y'a siye folo ye kupudimali file ka fiye dunanw fe. Teriyasira min be Esipani Federason ni Mali ta ce, a be ke o de hukumu kono.

7 - Kupudimoni kade tara Mekisiki fe: A kera karidon zuluyekalo tile 10 Mekisiki jamana kan. Mekisiki ye ntolatankö 7 ke ka sebaaya soro a bee la. A ni Uruguwe ye nogon soro finali la, a ye se soro 1B i 0 ka kupu ta. Jamana 4 ye Afiriki joyorö fa Kôdiwari, Kongo, Burukina ani Uruwanda. Burukina ni Uruwanda taara falaki ka segin falaki, u ma se jamana si la, u ma filaninbin ke, u ma se hali ka bi 1 don fana. Kôdiwari ni Kongo sera k'u jeniyorö fin, hali n'u ma se ka taa nefe. Kôdiwari ye ntolatankö 4 ke: a ye Danemariki gosi 4 ni 2; ka filaninbin ke Berezeli fe, 3 ni 3; ka gosi Ositarali fe 2 ni 1; ka gosi Faransi fana fe 3 ni 2. Kôdiwari ntolatanna do be yen, a tögo Suleyimani Kulubali, o ye mogow je fa kosebe. Akelenye bi 8don ntolatton saba kono. Kongo fana sera ka Peyiba gosi 1 ni 0; ka filaninbin ke Kore fe 1 ni 1; ka gosi Uruguwe fe 2 ni 1; ka gosi Mekisiki fe 2 ni 1.

Jamana 24 tun be kadew ka Kupudimoni in kene kan. Kadew ye ntolatannaw ye, minnu si te san 17 bo. Burukina Faso de tun ye Afiriki kadew ka kupu ta, n'o ye «Kani» ye.

8 - Musow ka kupudimoni : Musow ka kupudimoni tun be senna Alimanjamana kan; belebelew bee

binna. Lamerikenw ni Berezili taara fo penalitiduurutan na; a labanna Lamerikenw ta la 5 ni 3.

Zapon ye Alimanjamana gosi 1 ni 0. Faransi fana ye Anglejamana gosi penalitiduurutankofe 4 ni 3. Demifinali la, Lamerikenw ni Faransi ye nogon soro. Zapon ni Suwedi ye nogon soro. Zapon sera Suwedi la 3 ni 1. Lamerikenw fana sera Faransi la 3 ni 1. Karidon zuluyekalo tile 17 san 2011 kera finali ye. Zapon musow ye Lamerikenjamana musow gosi penalitiduurutan na 3 ni 1. Sanga 90 kera 2 ni 2 ye. Moenobo kono na, bi ma don. Nin y'a siye folo ye Zapon ka kupudimoni ta musoyanfan.

Jamana fila taara Afiriki joyorö fa musow ka Kupudimoni in kene kan: Nizeriya ani Gine Ekuwatoriiali. O jamana fila ninnu ma taa yorjan; nka u ni jamana fen o fen ye nogon soro, u y'a jira olu la ko a te ke u la ten k'i kodon gansan. Nizeriya musow ni Faransi taw ye nogon soro, o kera 1 ni 0 ye Faransi kanu na. Alimanw fana y'u gosi 1 ni 0. Nka u sera Kanada musow la 1 ni 0. Ocogoya kelen na, Gine Ekuwatoriiali fana y'a piripiri kosebe. Noriwei sera u la 1 ni 0. Ositarali sera u la 3 ni 2. Berezili y'u gosi 3 ni 0.

9 - Zinoriw ka basiketi nogondan kera Koori faaba la: Kucalakaw fe yen, k'a ta zuluyekalo tile 1 la ka se a tile 3 ma san 2011, Mali tonw ye nogon soro, cemanniw ni musomanniw ka basiketi la. Zinoriw tun don.

Musomanninkunda, ton 5 tun be kene kan. Cemanninkunda, ton 6. Musow fanfe Sitadi Malien kera folo ye; cew fanfe, Ereyali kera folo ye. kurudonnabaw kera Aminata Berete ye ka bo Kucala ani Idirisa Kulubali ka bo Ereyali la. Basiketikela minnu kera sangawuli ye, olu kera Safiyatu Sangare ye ka bo Sikaso Tata la ani Suleyimani Tarawele ka bo Kucala. Nogondan in na, ton minnu kera folo

ye, olu ye döröme ba 20 soro, filananw ba 15, sabananw ba 5.

10 - Jamana belebele te ntolatan na bilen: Ameriki gun woroduguyanfan kupu senfe, Berezili bora tulon na Paraguwejamana fe. Sanga 120 kera 0 ni 0 ye. Penalitiduurutan na, Berezili y'a ta bee je, Paraguwe ye 2 soro. O kera zuluyekalo tile 17. O y'a soro kalo tile 16, Arizantini fana gosira. Mesi tun be kene kan. Uruguwe ye Arizantini bo penalitiduurutan na 5 ni 4. O y'a soro u desera nogon na 1 ni 1 sanga 120 kono. Finali la Zuluyekalo tile 24. Finali la, Urugeyi ye Parageyi gosi 3 ni 0.

11 - Musomanniw ka kupudimali be tan siperitiyon fe ani sorodasiw Siperitiyon fe Hamudalayikaw ka ntolatanna musomanniw ka ton ye Bamako yan. Ale ni USFAS musomanniw (n'o ye sorodasiw ka farikolojenajeton ye) be nogon soro kupudimali finali la musokunda. Walasa ka se finali la, siperitiyon fe ye santoro UFC gosi 4 ni 2 mœnobe kono. Sorodasiw sera siperikulobu la 3 ni 2..

12 - Kayi sigi ni ñanan yelenha ñanaw fe kokura : Ntolatantöba dekun filananw kera kulu filo ye, Kulukorota ani Sikaso ta. Kulu kelen-kelen folo be yelen ñanaw fe. Ñinan, Kayi Sigi kera Sikaso kulu folo ye. Ñanan fana kera Kulukorota kulu folo ye. Olu fila be yelen USFAS ni Kidali ntolatantöba na ñanaw fe.

13 - Farikolojenaje min be wele Irigibi o nogondanba be ke Mali la : a be damine zuluyekalo tile 23 ka se a tile 30 ma. Jamana minnu be ye a kene kan, olu ye Benen Burikina Faso, Gabon, Gana, Cadi, Mali, Nizeri ani Togo.

Solomani Bobo Tunkara
Denba Kulubali / Mahamadu Konta

Ñananintolatan ñanaw jansara

Telefoniso Oranzi ni Mali sennantolatan (Orange-Malifoot) togolaso jenajen kera lotoli Aradisoni na jumadon zuluyekalo tile 22 san 2011. A nemogoya tun be denmisena anifarikolojenaje minisiri Jigiba Keyiba bolo. Malisennantolatan jekuluba n'o ye federason ye, o nemogoba Hamaduni Kôlado Sise tun b'a kene kan. Suijnajekuntute dowere ye, Mali ka ntolatantöba ñananintolatan min kuncera, k'o ñanaw jansara. A be nesin ntolatanna ñanaw, jalatigela nana ani degelikaramogo nana ma. Mogo 7 de garijige ye fara ci a ko la.

Sitadi Malien ye ntolatanna kura min soro sisan n'o ye Seki Fantamadi Jara ye, ale kera ntolatanna ñana ye. O ma bala mogo si la, bee da benna o ma Sumeyila Jakite kera jokolosila ñana ye. Obe Sitadi Malien na. Kameli Jaburu fana kera degelikaramogo ñana ye. Sitadi Malien degelikaramogo y'ale ye.

Mahamani Sise jansara, ko ntolatanna don, mogo be se k'a jigi da min kan waati nataw la. A be ntola tan Joliba fe. Bugadari Fômba min be «J. A» la, ani Amadu Jalo min be «USFAS» la, olu jansara k'u kera ñananintolatan in bidonnabaw ye. Jalatigela ñana kera Mahamadu Keyita ye.

Mogo 5 kofolen kelen-kelen jansara ni sefawari döröme 100.000 ye. Min ye bidonnabaw ye, olu kelen-kelen jansara ni sefawari 50.000 ye. Mali ka ñinan ñananintolatan töö, bi 439 donna, kasoro temenen na, bi 376 de donna.

Solomani Bobo Tunkara ni Dokala Yusufu Jara

«AMAP» kuntigi
Solomani Darabo
kanw kunnafonisëbenw
baarada kuntigi
Ñanze Samake



BP : 24 Telefon: 20-21-21-04
Kibaru Bugufiyé Bosola

Bamako - Mali

Sebennijekulu
Mahamadu Konta,
Dokala Yusufu Jara
Labugunyoro : Kibaru gafedilan
baarada
Bolen hake 16 000

«AMAP» hami y'a kanubagaw wasali ye

Mali kunnafoni ni lagamuni cakeda «AMAP» jemogoyekulu y'a ka laadalatonsigi 28nan ke kunnafoni minisiriso ka lajekeso kono. Laje in jemogoya tun be Sidiki Nfa Konate bolo. Ale ye kunnafoni ani goferenaman ka kumalase Minisiri ye. Laje kun tun ye ka AMAP ka san 2010 baarabolodalenw seben fesefese. San 2010 kera Mali ka yemahoronya soroli san 50nan ye. AMAP joyoro bonyara o wulikajow sabatili la kosebe ni ko saba nogonna ye : A ye gafeba do bo min be wele «An ka Maliba». Ko minnu kera Mali kono, k'a ta san 1960 la ka se 2010 ma, o kunnafoni n'u jaw b'o kono. Hakililajiginja minnu tara, olu fana jirala jamanadenw na. Sebenba dwo norola dugubaw kono an ka tarikuw kan. Nafa yera nin waleya bee la jamana kono yemahoronya soroli san 50 in kunkan. Nin waleya saba ninnu kofe, AMAP ye lagamuni caman ke yemahoronya san 50 kan arajo ni telewison na ani kunnafonisebew kono. Kunnafoni caman fana bilala dije kunnafoniko wagandenba kono n'o ye Enterneti ye. AMAP ye nin bee ke n'a yere ka nafolow ye. Nka hami min be AMAP la sisani, o de ye sebendilanmansinwere soroli ye walasa ka se k'a kanubaaw wasa ka temeninbee kan kunnafoniko, lagamuniko ani ja numanbako la. N'o te AMAP ko bee sirilen be mansinba



Do farala nafolo sorota haké kan san 2010.

kelen de la. A sago ye baara suguya dwo keliye, o bee te ne mansin kelen in na. AMAP ka laadalatonsigi temen na, jemogow tun y'a jira ko mansinba kura bena nini san 2011 kono. Nka ko balalen be ko sudalen sa. Wele yere tun dara o mansin ninini kama. A ko ma se ka sira soro tuguni. Kunnafoni ani goferenaman ka kumalase Minisiri Sidiki Nfa Konate y'a jira nin laje in senfe, ko mansin kura ninini ye haminako folo ye, min ka kan ka nenabo teliya la. O b'a to togo min be AMAP la Mali kono

ani Afiriki tebinyanfan fe, do ka fara o baara numanke kan kunnafoniko la.

AMAP haminhanki dower ye ka do fara a ka baarakelaw ka donniya kan, mogo kura were minnu faamuyalen don kunnafoniko ni minen kuraw labaarali la, k'a magonetaw ta olu la kabil a ka cakedawla. Poroze minnu naniya sirilen be AMAP fe kunnafoniko ani lagamuniko la, a sago don k'o bee k'cogo n'a minen numan sorot a tuma na, a ka se ka wasa u keli la. AMAP baarakela ceman ni musoman bee haminhanki

y'o ye. Sidiki Nfa Konate y'a jira ko kunnafoni ani goferenaman ka kumalase Minisiri so na to AMAP jigi kor a ka naniya sirilenwwaliyaliko la. AMAP ka san 2010 baarakelafolo fesefesen, obenna sefawari miliyari 3 ani miliyon 451 ani ba 83.600 ma. AMAP tun be nafolo haké min sorot a ka baara ketaw nafa la, oka ca kosebe a ka nafolo sorota mumé na. San 2010 desanburukalo tile 31 y'a sorot kemesarada la, AMAP ye 96,67 ke a ka baara bolodalenw na. A tun ka kan ka nafolo haké min sorot a ka baaraw la, kemesarada la 94,42 tun sorola o la kaban. A ye lagamuni minnu ke arajo ni tele ani kunnafonisebew kono, nafaba sorola olu la.

Waati nataw la, AMAP bena teme ni a bolofaraw joliye jamana marayoro tow la, ka yelema numan don a baarakelobolo la ka taa a fe ani ka do fara a ka baarakelaw ka donniya kan. Jamanakuntigisigi kalata min bena ke san 2012 kono, k'o kunkankow bee lateme ka ne.

Minisiri Sidiki Nfa Konate labanna ka taasibila ke ka nesin Papa Musutafu Koyite ma. ALe tun ye AMAP baarakela do ye. A fatura zuwenkalo tile 22 su k'a duguje a tile 23 la san 2011. Walenumandon kera ka nesin a ma.

Dusu Jire / Dokala Yusufu Jara

Mali ni Senegali furance la, Faleme babili jora

Faleme babili be wele «nogondeme babili». A jora ka ban pewu. A tenu meentuguni a be labila temebaawye. Minisiri min nesinnen be baarakeminenko ani bolifenkow ma Ahamed Jane Semega ye nin kunnafoni in di, a taalen Bafin-Kejeba-Faleme siraba dilannibaaraw laje. A ka minisiriso mogo caman tun b'a nufe ka fara Afiriki tilebinyanfan yiriwali banki (BOAD) ka lasigiden Zan Mariseli Abumon kan.

Faleme babili joli baaraw dabane folo kera san 2010 awirilikalo la jamanakuntig Amadu Tumani. Ture fe. Senegalijamanakuntig Abudulayi

Wadi tun b'a kene kan. Sarati mintun dalen be Zapon cakeda «Dai Nippon Construction» (DNC) ye, o ye san 2011 okutoburukalo ye. Nka a sera ka tila baara in na ka kon sarati ne.

Senegali lasoroli Mali fe worodugyanfan fe, osiraba be wele Bamako-Dakaro. Babili 3 ka kan ka jo o furance in na. Faleme babili y'o do ye. A musaka bennna sefawari miliyari 5 ani miliyon 200 ma. Babili in janya ye metere 274,3 ye. A fiye ye metere 10,5 ye. Taa ni segin don Mali ni Senegali ce. Babili in jolen be ba min kan, o de togo ye Faleme. A be jamana fila ninnu dance la.



Baara numan kera ka kon sarati dalen yere ne.

Fen min ye Bafin babili ye, kemesarada la 80 kera o baaraw la. Sabula a sera bilili ma. Bafin babili kuntaala ye metere 238 ye. A musaka be se sefawari miliyari 6 ani miliyon 250 ma. Zapon jamana b'o fana musaka bo. Tilaka kanka ke a baaraw la pewu san 2011 in okutoburukalo la. NKA Zapon ka cakeda min be ka baara in ke, o y'a jira k'a be se ka ke balili in be banka kon o waati folen ne. Bamako-Dakaro siraba in mana ban

tuma min na, a be ke sababu ye ka Kejeba mara sirako nogoya; bawo Mali sanumayoro do ye yen ye. Sira in be teme dugu 20 de fe. Ka bo Bafin ka se Faleme o furance sira dilanni musaka be ben sefawari miliyari 25 ani miliyon 500 ma. Afiriki tilebinyanfan yiriwali banki (BOAD), Silamew ka yiriwali banki (BID) ani Mali bena o musaka in bo.

Bayi Kulubali
Dokala Yusufu Jara